



## ***Upute za izbore 2022. godine***

Na osnovu odluke Skupštine IZBSA i Pravilnika o Organiziranju Islamske Zajednice u Bosni i Hercegovini u Dijaspori, izborna godina u IZBSA se od 2022. godine usaglašava sa izbornom godinom u Islamskoj Zajednici u Bosni i Hercegovini. Ovo podrazumijeva provođenje izbora na svim nivoima unutar IZBSA, tj. na nivou džemata, na nivou medžlisa, te na nivou cijele IZBSA. Shodno tome, predviđeno je da se krajem 2022. godine održe izbori u svim džematima IZBSA. Odmah nakon toga, početkom 2023. godine, na skupštinama medžlisa, predviđeno je održavanje izbora za nivo medžlisa, a poslije toga, na skupštini IZBSA i na nivou IZBSA.

Izbori u IZBSA će biti održani na osnovu postojećih pravilnika i uputa pravne službe Rijasetu IZ u BiH.

### **Glavna Izborna Komisija IZBSA**

Za provođenje i nadgledanje izbora u IZBSA odgovorna je Glavna Izborna Komisija IZBSA (u nastavku GIK IZBSA) koju formira Izvršni odbor IZBSA. GIK IZBSA broji ukupno 5 članova, po jednog člana iz svakog medžlisa, te, na osnovu uputa pravne službe Rijasetu IZ u BiH, Muftiju IZBSA kao predsjednika komisije koji prihvata izvještaje GIK IZBSA, nadgleda izbore, kao i verificira kandidate i rezultate izbora. Po potrebi, Muftiju na sastancima GIK IZBSA može zamijeniti Generalni Sekretar IZBSA.

Nakon formiranja i inicijalnog sastanka GIK IZBSA, ista je u roku od 10 dana dužna formirati izborne komisije medžlisa (4 komisije, po jedna na svakom medžlisu). Nakon formiranja izbornih komisija na nivou medžlisa, GIK IZBSA koordinira provođenje izbora, praćenje rokova, te verificuje rezultate izbora.

Nema prepreka da članovi GIK IZBSA budu kandidati na izborima na nivou džemata i nivou medžlisa. Imami mogu biti članovi GIK IZBSA. U slučaju da neko od članova GIK IZBSA kasnije bude kandidat za neku od funkcija na nivou IZBSA (član IO IZBSA, Predsjednik Skupštine IZBSA, Podpredsjednik Skupštine IZBSA, Sekretar Skupštine IZBSA) izvršiće se zamjena tog člana u GIK IZBSA, te će na njegovo/njeno mjesto biti imenovan novi član.



## **Izborna Komisija Medžlisa**

Izborna komisija medžlisa (u nastavku IK medžlisa) koordinira izbore, te prikuplja i verifikuje rezultate izbora u džematima svog medžlisa u komunikaciji sa izbornim komisijama džemata, te provodi, nadgleda i verifikuje izbore na nivou medžlisa. Nakon održanih izbora IK medžlisa verifikovane rezultate dostavlja GIK IZBSA. IK medžlisa također koordinira formiranje izbornih komisija džemata u skladu sa pravilnikom o izborima i mandatima i pravilnikom o radu džemata. Rok za formiranje izbornih komisija džemata je 20 dana od formiranja IK medžlisa.

IK medžlisa broji 3 člana. Prijedloge kandidata za članove IK medžlisa daju i usaglašavaju glavni imam medžlisa, član IO IZBSA iz tog medžlisa, sekretar medžlisa i predsjednik nadzornog odbora medžlisa, a potvrđuje GIK IZBSA. Članovi GIK IZBSA mogu, ali ne moraju, biti i članovi IK medžlisa kojem pripadaju (radi lakše koordinacije, preporuka je da članovi GIK-a budu i članovi IK medžlisa, svako u svom medžlisu).

Nema prepreka da članovi IK medžlisa budu kandidati na izborima na nivou džemata. U slučaju da neko od članova IK medžlisa kasnije bude kandidat za neku od funkcija na nivou medžlisa (Sekretar medžlisa, član NO medžlisa, koordinator za omladinu) ili za člana IO IZBSA iz tog medžlisa, izvršiće se zamjena tog člana u IK medžlisa, te će na njegovo/njeno mjesto biti imenovan novi član. Imami mogu biti članovi IK medžlisa.

## **Izborna Komisija Džemata**

Džematski odbor, u koordinaciji sa IK medžlisa, formira izbornu komisiju džemata (u nastavku IK džemata). IK džemata provodi, nadgleda i verifikuje izbore na nivou džemata. Nakon održanih izbora, IK džemata dostavlja verifikovane rezultate IK medžlisa.

IK džemata broji 3-5 članova, sa maksimalno jednim članom komisije iz aktuelnog džematskog odbora. Kandidati za bilo koju funkciju u džematu (član džematskog odbora, delegat na skupštini medžlisa, delegat na skupštini IZBSA) ne mogu biti članovi IK džemata. Imami mogu biti članovi IK džemata.

## **Provođenje Izbora na Nivou Džemata**

Na izborima na nivou džemata biraće se članovi džematskog odbora, delegati džemata na skupštini medžlisa i delegati džemata na skupštini IZBSA.

Izbori u IZ u BiH biće održani 7. decembra 2022. godine. S obzirom da je to radni dan, džemati u IZBSA imaju mogućnost da svoje izbore provedu kada to njima najbolje



odgovara, ali najkasnije do 11. decembra 2022. godine, te da IK džemata verifikovane rezultate izbora dostave IK medžlisa najkasnije do 15. decembra 2022. godine. IK medžlisa će prikupljene i verifikovane rezultate dostaviti GIK IZBSA najkasnije do 20. decembra 2022. Godine.

U nastavku su dijelovi iz Pravilnika o radu džemata i Pravilnika o izborima i mandatima u IZBSA koji se direktno tiču provođenja izbora:

### **Pravilnik o radu džemata**

#### **Član 8.**

*Džematski odbor ima od 5 do 9 članova, uključujući imama koji je po funkciji član odbora. Mandat članova džematskog odbora je četiri godine sa pravom ponovnog izbora neograničeni broj puta.*

#### **Član 9.**

*Izabrani kandidat za džematski odbor daje pred svjedocima sljedeću izjavu: "Ja (ime i prezime) kunem se Svemogućim Bogom da ću, dok budem član ovog džematskog odbora, služiti vjeri islamu i raditi za dobrobit ovog džemata. Bože, od tebe pomoć molim."*

#### **Član 13.**

*Izbori u džematu vrše se tajnim glasanjem između više kandidata.*

*Kandidati za džematski odbor su istaknuti i ugledni članovi džemata.*

*Komisija za izbore, zajedno sa imamom, dužna je odbiti kandidaturu lica koja ne ispunjavaju uvjete za izbor u organe džemata, odnosno džematskog odbora.*

*Aktivno biračko pravo u džematu ima svaki pripadnik džemata koji je navršio 18 osamnaest godina, koji izmiruje svoje obaveze u džematu i nosi jedan glas ispred porodice.*

#### **Član 14.**

*Svaki zaslužan i uzoran član džemata može biti biran u džematski odbor u skladu sa šerijatskim propisima, pod slijedećim uvjetima:*

- da je redovan član džemata najmanje posljednje 3 (tri) godine bez prestanka.*
- da je svojim zalaganjem za džemat poznat kao osoba koja je voljna staviti svoje vrijeme i znanje na raspolaganje džematu.*



- da se uzdržava od velikih grijeha kao što su alkohol, blud, kocka i širk.
- da zna osnovne islamske propise i da svakodnevno prakticira islam.

### **Pravilnik o izborima i mandatima IZBSA**

#### **Član 4.**

Glavni imam medžlisa i imami su dlegati skupštine medžlisa po položaju. Ostali delegati skupštine medžlisa (ako to kriteriji dozvoljavaju) biraju se na osnovu broja članova džemata po sljedećem kriteriju:

1. Džemati do 200 (dvije stotine) članova delegiraju jednog delegate u skupštinu medžlisa
2. Džemati koji imaju između 200 (dvije stotine) i 300 (tri stotine) članova delegiraju dva delegate u skupštinu medžlisa
3. Džemati preko 300 (tri stotine) članova delegiraju tri delegata u skupštinu medžlisa.

#### **Član 9.**

Izbor za članstvo u skupštini IZBSA se vrši na džematskim skupštinama. Svaki džemat bira svoje delegate skupštine po sljedećem kriteriju:

1. Džemati do 200 (dvije stotine) članova delegiraju jednog delegata u skupštinu.
2. Džemati koji imaju između 200 (dvije stotine) i 300 (tri stotine) članova delegiraju dva delegata u skupštinu.
3. Džemati preko 300 (tri stotine) članova delegiraju tri delegata u skupštinu.

#### **Član 11.**

Izbor u sve organe IZBSA se obavlja pismenim glasanjem, tajno. Članovi izborne komisije trebaju obavljati svoju obavezu nepristrasno, u povjerenju, u svojim najboljim mogućnostima, ekspeditivno i praktično. Odluka, akt ili potvrda većine članova izborne komisije je pravosnažna u svim aspektima kao odluka, akt ili potvrda svih članova.

Izbornu komisiju formira džematski odbor. Komisija ima 3-5 članova, sa maksimalno jednim članom komisije iz džematskog odbora. Izborna komisija sprovodi izbore za džematski odbor, skupštinu medžlisa i Skupštinu Islamske zajednice Bošnjaka Sjeverne Amerike. Izabrani su kandidati koji imaju najviše glasova.



### **Dodatne napomene i preporuke:**

Prilikom provođenja izbora IK džemata se preporučuje da se prvo objave izbori i prijave kandidata (odrediti rok za prijavu, prijedlog: 15 dana).

Nakon verifikacije kandidata (preporučeni rok za verifikacija IK džemata: 7 dana), koja uključuje provjeru da kandidat ispunjava predviđene uslove, kao i to da prihvata kandidaturu, preporučuje se javno predstavljanje kandidata (prije džume namaza, putem društvenih mreža i sl.)

Nakon predstavljanja kandidata, preporučuje se zakazivanje izbora za jedan dan (preporučuje se nedjelja) ili period ne više od tri dana (preporuka: od petka poslije džume do ikindije u nedjelju, uz napomenu o satnici kada je biračko mjesto otvoreno).

Prilikom održavanja izbora preporučuje se štampanje dovoljnog broja glasačkih listića sa imenima kandidata, te da listići budu ovjereni (pečatom ili nekim drugim karakterističnim obilježjem), kako bi se spriječile eventualne zloupotrebe. IK džemata treba da zaduži tačno određen broj glasačkih listića i da isti broj listića (uključujući i prazne listiće) arhivira nakon održavanja izbora.

Nakon održanih izbora, IK džemata će predati verifikovane rezultate IK medžlisa, te nakon konačne verifikacije od strane GIK IZBSA, javno objaviti rezultate.

U slučaju praćenja gore navedenih preporuka, cijela procedura izbora ne bi trebala trajala više od 30 dana.

Pored općih uslova propisanih pravilnicima IZBSA, džematima se preporučuje da prilikom izbora, ako je moguće, daju prednost mladima, fakultetski obrazovanima, onima koji tečno govore engleski jezik i informatički pismenima.

Ukoliko su džemati već održali izbore u 2021. godini ili početkom 2022. godine, preporučuje im se jedna od dvije opcije:

1. ponovno održavanje izbora u decembru 2022. godine
2. produžavanje mandata (na skupštini džemata u predviđenom roku (do 11. decembra) ili izborima sa potvrdom već izabranih kandidata na glasačkim listićima) izabranima na posljednjim izborima u skladu sa izborima i mandatima u IZBSA

Napominjemo da je izuzetno bitno da svi džemati sprovedu odluku donesenu na Skupštini IZBSA o usklađivanju izborne godine sa IZ u BiH.



## Provođenje Izbora na Nivou Medžlisa

IK medžlisa će nakon provedbe izbora na nivou džemata i verifikacije novih delegata skupštine medžlisa raspisati izbore za tijela medžlisa (NO medžlisa, sekretar medžlisa i koordinator za omladinu medžlisa), kao i člana IO IZBSA ispred tog medžlisa. IK medžlisa će izvršiti verifikaciju kandidata i konačnu listu kandidata sa biografijama, u koordinaciji sa sekretarom medžlisa, dostaviti delegatima skupštine medžlisa. IK medžlisa će provesti izbore na skupštini medžlisa, početkom 2023. godine.

Nakon održanih izbora, IK medžlisa će verifikovane rezultate dostaviti GIK IZBSA radi konačne verifikacije.

Napomena: Član IO IZBSA se bira između delegata skupštine medžlisa. Isto pravilo ne važi za članove NO i sekretara medžlisa.

## Provođenje Izbora na Nivou IZBSA

GIK IZBSA će nakon završetka izbora na nivou medžlisa raspisati izbore za predsjednika, podpredsjednika i sekretara skupštine IZBSA. GIK IZBSA će izvršiti verifikaciju kandidata i konačnu listu kandidata sa biografijama, u koordinaciji sa sekretarom skupštine IZBSA, dostaviti delegatima skupštine IZBSA. GIK IZBSA će provesti izbore na skupštini IZBSA, 2023. godine.

Pored toga, GIK IZBSA će delegatima skupštine IZBSA proslijediti i prijedloge članova IO IZBSA koji su pristigli sa nivoa medžlisa, kako bi oni mogli biti potvrđeni na skupštini IZBSA.

Izbori sabornika IZBSA u Saboru IZ u BiH su u ingerenciji IZ u BiH i biće održani po posebnoj proceduri.

Napomena: Predsjednik i podpredsjednik skupštine IZBSA se biraju između delegata skupštine IZBSA. Isto pravilo ne važi za sekretara skupštine IZBSA.

Predsjednik glavne izborne komisije  
Sabahudin ef. Čeman  
Muftija